

EVSTACHIVS SCHLEBIUS ELECTORIS BRANDEBVRGICI
Consiliarius.



Eustachius Schlebius ex honesta familia natus, & in omni genere uirtutum educatus est, nam & bonis literis operam dedit, & singulari prudentia & facundia exornatus fuit. Id cum Ioachimus elector Brandenburgicus cognouisset, eū inter suos consiliarios recepit, & res magni momenti concredidit. Cum autem postea de Turce bellico apparatu certò cognouisset, hunc Eustachium 1538 ad Saxonem & reliquos principes uicinos legatum misit, & per eum cum eiusmodi egit, qua ratione potenti hosti occurrentum sit. Deinde etiā Halae Saxonum 1547 Mauritus & Ioachimus Electores per eum cum Landgrauio multa agūt, atq; ostendunt, quod præter ipsorum expectationem in eo loco cum custodibus permanēdum sit. Velle autem postero die cum Cæsare ea de re colloqui, atq; ipsius nomine quiduis tentare id quod etiam postea factum est. His uarijs legationibus & officijs factum, ut Eustachius magnum sibi nomē compararit, & ob multas corporis & animi uirtutes principibus gratissimus extiterit. Io. han. Sleid.